

EGAA YEROO KADHATTAN. . .

WWW.TENDAYSOFPRAAYER.ORG

**GUY YAA 4<sup>FFAA</sup>—KADHANNAA DEEBII HINQABNEFI AMANTII.**

“warri Waaqayyoon abdiidhaan eeggatan garuu humni isaanii in haareffama; akka joobiraas baalleedhaan ol in ka’u; in fiigu, garuu hin dadhaban, in adeemu, garuu hin mudhukan.” Isa. 40:31

**Eeguu . . .**

Eegun nama hingammachiisu. Eenyuutu eeguu jaallata? Waajjira isaa duratti doktora eeguu, dabaree eeguu, xiyyaara barfate buufata xiyyaaraatti eeguu, nama walga’ii irraa duubatti hafe eeguu. Fakkeeniyota hedduu kaasuun ni danda’ama. Waanta tokko turanii eeguun nama hingammachiisu.

Abrahaam kadhannaa isaaf deebii argachuuf waggaa 25 eeguun dirqama itti ta’e. Museen dhumarratti Waaqayyo gidduu akka seenuuf waggoota 40 eege. Yoseef waggoota hedduudhaaf garba ta’ee achiin booda immoo waggoota muraasaaf mana hidhaa keessa taa’ee ture- gidduu seentummaa Waaqayyoo eeguun bakka bashanansiisaa taa’u miti! Gargaarsa eeggachuu kan jedhuuf fakkeeniyota hedduun Macaafa Qulqulluu keessatti arganna.

Eegguun obsa keenyaaf qom-qabaa ta’us, Macaafni Qulqulluun amala saba Waaqayyoo keessaa tokko obsa akka ta’e dubbata. Kadhannaa keessattis kanuma. Yeroo baay’ee, deebii kadhannaa keenyaa eeguutu nurra jira.

“Kadhannaa garaa guutuudhaan taasifamu hundaaf deebiin ni dhufa. Akka fedhakeetti, ykn yeroo ati barbaaddutti dhufuu dhiisuu danda’a; garuu karaafi yeroo fedha kee akka gaariitti guutun dhufa. Kadhannaa ati kophummaa keessatti, dadhabbiin, qormaata keessatti dhiheessitu, Waaqayyo yeroo hundumaa akka ati eegdutti osoo hintaane, gaarii akka siif ta’utti deebii kenna” (*Messages to Young People*, p. 250).

Yeroo gad of deebisnee fedhii keenya isa duratti dhiheessinu, ifaadhumatti karaa adda ta’een, guutu guutummaatti Waaqayyo irratti of gatuu keenya yeroo beeksisnu, Inni deebii ni kenna. Haa ta’u malee, yeroo baay’ee eeguu qabna. Yeroo baay’ee giddu-seentummaa Waaqayyo dura obsa shaakaluu qabna, kanaafuu dhugaadhumattis isa ta’uu isaas ni mirkaneeffanna. Kanaan ala yoo Inni battalumatti deebii kenne, galata waaqayyoof malu ofii keenyaaf fudhachuu yaallaa jechuudha.

Rakkoo furuudhaaf karaan danda’amu akka hinjirre yeroo arginu, Waaqayyo immoo jecha nuti gonkumaa ni ta’a jennee yaaduu hindandeenye tokko dubbata, “inni, “Na kadhaddhu! Anis siif nan dhaga’a; wanta guddaa ati qortee bira ga’uu hin dandeenye sitti nan hima.” jedha. Er. 33:3

Haa ta’u malee, Waaqayyo haalaafi akkaataa nuti gaafannetti deebii yoo hinlaane ta’ef, tasumaa deebii hinkennine jennee yaaduu dandeenya. Waaqayyo kadhannaa amanammummaafi gad of deebisuudhaan taasifamu ni deebisaa, deebiin isaas deebii hundarra gaarii ta’eedha.

Jaalala Waaqayyoo beekuuf waamante (Efe. 3:19). Kana qofaatu si barbaachisa. Hammuma Isa beektu, Isa amanatta, nagaas hanguma sana qabaatta, geggeessummaa isaafi giddu seentummaa Isaas hanguma sana feeta. Ijakee jaalalaafi abdi isarra ka’adhu, akkasumas qom-qabaa dabarsite keessatti akkaataa Inni itti si geggeesses yaadadhu.

“Isa garaan isaa cimsee si amanatu, sababii inni sitti of kennatuuf ati nagaa guutuudhaan in eegda;” Isa. 26:3 Waaqayyo waan fula duraa ni beeka. Inni siif yaada, garuu namoota biroofis ni yaada. Inni sababii deebii fooyya’aa qabuuf, ykn yeroon isaa gaarii miti waaan ta’eef, ykn ati karoora isaaf qophii waan hintaaneeef amma deebii kennuu dhiisuu ni danda’a. Inni fedhiwwan garaagaraatiif kan ta’u, haala ati yaaduu hindandeenyeen deebii qaba ta’a. Inni nama tokko bira sanaan malee karaa bira ga’amuun danda’amu kan hinjirre jireenya kee keessatti haala tokko ni heyyema. Samii qofatti kan nuti hubannu waantotni heedduun ni raawwatamu.

Yaadatti qabadhaa, Yesuus dhufee du’uun isaa lafa irratti jireenya mijataa nuuf kennuudhaaf miti. Dhugaadhumatti biyya lafaa kana irratti rakkinni akka nu mudatu dubbateera (Yohaannis 16:33). Yeroo baay’ee qormaata fayyadamee barumsa guddina amalaafi fayyinaaf barbaachisaa ta’an nu barsiisa. “

“Rakkinni salphaan inni nuyi yeroodhaaf baannu kun, ulfina bara baraa isa safara malee guddaa sana baachuudhaaf nu qopheessa.” 2Qor. 4:17

Kanaaf Waaqayyo qom-qabaa akka si irraa kaasuuf gaafachuu irra, qom-qabaa sana keessatti akka guddattuufi qom-qabaa sana irraa barachuuf akka si gargaaruuf isa kadhaddhu. Yeroo baay’ee fedhii dhugaa ta’us, fedhiin keenya inni guddaan fedhii nuti kadhannu miti. Fedhiin keenya inni guddaan Waaqa keenya beekuudha. Hama isa beektutii isa amanatta, akkasumas akka inni hojjetuufis hayyamtaaf.

Waaqayyo akka isa kadhattuufi aragamu isa, karoora isaa, geggeessummaa isaa akka ati barbaaddattuuf si waamaa jira. Deebiifi gargaarsa barbaaduu kee dura isa beekuu barbaadi, achiis yaaddoo kee hunda isa irratti gatuudhan isa eegi.

Mee waliin haa kadhannu.

### Yeroo kadhannaa (Daqiiqaa 30–45)

*Gareen kadhataa hundumtuu haala garagaraa itti waliin kathan qabu. Daqiiqaa 30-45 itti aanee jiru kana keessatti akkaataa hafuurri qulqulluun isin qajeelcheen kadhata tokkummaadhaan akka isin qabaattaniif isin jajjabeessina. Kadhannaan haasawaa gabaabaa (hima 1-3) qabu ni jajjabeeffama. Kun akka namootni baay'een yeroo heedduu kadhataaniif gargaara. Armaan gaditti fakkenyotni muraasi karaa mata duree caaffata qulqulla'aa, kadhannaan muraasi dhiyaataniiru. Akkasumas karaa heertuu kan biros kadhachuu ni dandeessuu, kadhata keessan keessattis mata dureewwan kan biroos hammachiisuu ni dandeessu. Yaada kadhanna argachhuuf qajeelfama geggeessaafi gaaffii kadhannaa waldaa addunyaawaa ilaalaa.*

**Sagalee Waaqayyoon kadhachuu** — Isa. 40:31a

“Warri Waaqayyoon eeggatan garuu humni isaanii in haareffama.”

**“Warra Gooftaa eeggatan”**

*Abbaa, nuti obsaan eeguu hinjaalannu. Eegguun yaadda 'oofi sodaatoo nu taasisa, kanaaf fuulduratti ariifannee furmaata mataa keenyaa barbaanna. Akkuma daa'imni harka abbaa isaa irra boqotu, Sirratti boqochuu nu barsiisi. Fuuldureen keenya harka kee isa humna qabeessan qabamuu isaa akka beeknuuf amanti nuuf kenni. Ilaahuudhaan osoo hin taane amantiidhaan haa jiraannu.*

**“Humna isaanii ni haaromsa”**

*Gooftaa yeroo tokko tokko addunyaa manca'e kana keessatti jireenya nuffina. Dhukkuba, waliigaltee dhabuu, hiyyummaa, haqa dhabuufi kophummaadhaan nu dadhabsiisa. Mee ija keenya gara samiitti ol nuuf kaasuudhaan humna keenya haaromsi. Sitti hirkatnee waadaa kee isa dhuma hinqabne keessatti humna akka argannu nu barsiisi. Gaafa yeroo dadhabnutti humna kee waliin walitti nu hidhi.*

### Yaadota kadhannaa Dabalataa.

**Galataafi Hooqubaa:** Eebba isaa addaatiifi gaarummaa isaatiif galateeffadhaa.

**Cubbuu Himachuu:** Daqiiqaa muraasaa qalbii jijjiirannaa dhuunfaatiif itti fayyadamaatii dhiifama isiniif gochuu isaatiif immoo waaqayyoon galateeffadhaa.

**Qajeelfama:** Qom-qabaa keessa jirtuufi murtoowwan garaa garaatiif waaqayyoon ogummaa kadhadhu.

**Waldaa Keenya:** Fedhii naannooleefi addunyaatiif kadhadhu, (waraqaa xiqqoo gaaffii kadhannaa qabu ilaali)

**Gaaffii Naannoo:** Waanta amantootaaf amma barbaachisuuf, maatiifi oollaaf kadhadhu.

**Dhaggeeffadhuutii Deebii Kenni:** sagalee deebii waaqayyoo dhaggeeffadhuutti yeroo fudhadhuutii galataafi faarfannadhaan deebisi.

### Yaada Faarfannaa Dabalataa

*Faarfanna Adv. Guyyaa 7<sup>ffaa</sup>l:* Harka Bara Baraa irratti hirkatee (#469); Lubbuu Koo Waliin Tole (#530); Gab jedhi Lubbuu Koo (#461)

Faarfannaa Biroo: Nagaa Koo isiniifan Kenna; Yaaddoo Koo Hundaa Sirrattan gata; Dheedicha Magariisaa Waaqayyoon Keessatti